

## AN SUKUUN KEWE KÓKKÓT MEI TUMWUN ME KETIWÖCH

**IEI MINNE**, ewe Mwichen Soupung non ewe Kinikinin Sukuun Salem-Keizer a pwon pwe epwe awora ngeni chon sukuun meinisín ew sukuun esapw wor met epwe eppetí ar repwe angei ekkewe sakkopaten aninis me tongeni tori ekkewe sukuun mei murinno; me

**IEI MINNE**, wewen ei pwon pwe sisapw kefin chon sukuun anongonong won sókkur, seni meni fonu, nonomwun ren pekin moni, mwökutukutun inisin, foosun fonuwan, met e sani (mwan ika fefin), ifa ussun an tonong Merika, at ika nengin, ika ukukun an sine nupwen an tonong non sukuun; me

**IEI MINNE**, tumwunun inisin me an chon sukuun ekiek, me ach nukunuk pwe ach kei sukuun mei fokkun tumwun me murinno ngeni meinisín chon sukuun me ar kewe famini a fokkun óucha ngeni chon sukuun ar repwe tongeni sopwoch; me

**IEI MINNE**, an sukuun we mwichen soupung ese mwutata an epwe wor nifinifin ika apap, fotekini, osukosuka, enniwa, eriani; eriani won internet, ika efeiegawa chon sukuun; me

**IWE A IEI PWUNGUN** pwe an Sukuun we Mwichen Soupung a mochen:

Pwe meinisín chon angangen non ewe Kinikinin Sukuun Salem-Keizer repwe fiti pwungun ewe administrative policy (Instruction-A003) ren ar sinei me otoura ussun nifinifin, fotekini, osukosuka, enniwa, eriani; eriani won internet ika fotekini; chon angang ra fen sinei ussun ewe administrative policy (Instruction-A005) me fori met pwungun, mei wewe ngeni chok ar fori ekkewe ekkoch onnuk pachonong ekkwe chon angangen immigration iir mei tonong won ekkewe nenien sukuun; me ewe administrative policy and procedure faniten angangen ekkewe otutur (Administrative-A005 and P008); me


Chon angangen non ewe Kinikin Salem-Keizer repwe fori ew mwokutukut epwe meniniti, osufonu me amwanöch ngeni chon sukuun me ar kewe famini; me

Ewe meinap ika chon tumwunu ewe kinikin epwe tumwunu, anapano aporausá, me wau ekkewe administrative policies and procedures, ninne mei awora ew mwokutukut mei tumwun, weweoch, ketiwöch, me etiwa sakkofesenin emon me emon; me

Ewe meinap ika chon tumwunu ewe kinikin epwe fori met mei och an epwe eppetí ika opwungu met mei fis, onnuk, mwokutukut ika kokkot ese pwichipwich, mwan, ese safe ika tumwun, osufonungaw, aosukosuk, ika fen atai ekkewe onnuk seni ewe Mwichen Soupung ika Administrative policy.

**MEI OCH EPWE SOPWOSOPW AN EPWE ÖCHUNO** pwe ewe Mwichen Sopwung epwe nengenochu, siwini ika pwe mei wor met epwe ekkesiwin, me onukunuku sefani ei kókkót iteiten ier atun ewe summer planning meeting.

A sain:



Nancy MacMorris-Adix  
Salem-Keizer School District Board of Directors

Date: January 10, 2017